

張說之文集

張說之文集卷第二十

碑銘

刺史先府君碑

府君墓誌

元君石柱銘

元府君墓誌銘

張府君墓誌

處士張府君墓誌

唐贈丹州刺史先府君碑

府君諱隲字成隲范陽方城人也張祖曰揮帝軒之
胤肇勲弦木錫姓上矣詩有卿士孝友史有留侯世
家八葉至東漢司空皓公子宇比平太守始居范陽
四葉至西晉司空華公子遼散騎常侍乃僑江左昆

孫太常復歸河洛故河東有司空若洛陽有散騎里
後司空至府君十二代不失仁義矣王父諱戈周通
道館學士考諱恪無祿早世府君筑生遺育四代單
緒家世尚儒不及伯魚之訓外祖爲理遂讀臯陶之
書以明法曆饒陽長子二尉介休主簿洪洞丞以所
願乎下事乎上以所願乎上交乎下反身與人何往
不順臺選貞白覆囚山南人謂是行有典刑矣昊天
不弔年五十二調露元年十二月乙卯捐背於縣廨
夫人長樂縣太君馮氏父威藍田丞敬脩法度踐涉
圖史願復勞孤將就成立家道不殞夫人是賴享年

七十二傾背於東都康俗第光珪說不天夙遭閔凶
又集蔡夢先生制禮不敢從滅以景龍二年七月已
酉安厝於萬安上陽附從周制也先君不祿俸不奉
親不機杼不資身僚舊無鷄黍之接况其非類乎族
姻無魚菽之受况其人吏乎是全其高而善其獨也
過四十始閱六籍觀詩得之厚觀書得之恒觀樂得
之和觀禮得之別觀春秋得之正觀易得之元曰君
子多乎哉事斯一言而已矣每誦道記三復三寶曰
至人之心有以垂世又聞之太夫人云吾有子五十
載非其疾無一人之憂太夫人亦云吾事夫子三十

年耳無忤聲目無暴色先君之遠世也其憂戀者尊
門在殯欣聖善在堂歟我諸孤無日敢忘及王母終
養二祖封崇亦尚克家成遺訓矣若夫安親孝也宜
家義也翼子慈也軌迹隱乎含光故當代罕耀馨香
發乎潛德故明神終勞先大夫久而益榮沒而不朽
蓋此景雲二年天子嘉侍臣之匪躬念前人之植德
二月乙巳詔曰故官某毓德高邁藏器下僚代載儒
雅家傳清白河東佐邑長不欺之風山南覆囚溢無
寃之聽徂謝永久丘墳不飾嗇茲令胤貞事先朝宜
崇追遠之恩以表揚名之志可贈使持節丹州刺史

王澤漏乎泉壤國禮崇乎宗廟漢帝論士恨不見李
牧之爲人曾子思親泣無逮楚王之厚祿道存運往
痛矣餘悲緬尋前哲之所以聞無聲於四海視不見
於百代者匪頌歎桓麟蔡邕其則不遠嗚呼霜露交
積松楸滋深兄弟永懷相顧將老胡伯虎豈敢掩大
人之清陳季方何足知家君之德小子銜恤非曰能
文莫假辭於他者矜傳信我也銘曰

猗嚴兮用玄妙體太和碣高志貞夫一戒其多孝于
親正于家刑十訓清厥心晦厥迹畏厥寶如其何謙
儉慈皇我褒德永世有詞

府君墓誌

府君諱隲字成隲姓張氏其先晉人也晉分家世相
韓韓滅留侯爲漢謀主至宇爲范陽太守因居其郡
及華博物亞聖爲晉司空君司空十二代孫也曾祖
諱俊河東從事大父諱弋字嵩之通道館學士考諱
恪未仕即世先君四代早孤單門義立宗祀之不絕
如綫府君繼祿衰麻鞠育舅氏而炳太和之純休抱
遠慶之洪徹庇身禮樂發言忠信內無不誠大無不
包終日乾乾遠于悔悵靈根鎮而還植祖德墜而復
振加以好學不倦聞一及三道機玄鍵罔不幽探外

王父大理丞某重世爲士君傳其憲章博施精理年
十九明法擢第解褐饒陽尉丁王母憂去職夫人少
而守義老而無子因心創巨事不忍言喪紀之數加
人一等服常調長子尉換介休主簿洪洞丞太夫人
在堂官求便近故累徙而不進也內清淨以化人外
平反以悅親不樂歸美而善隱德故下車無赫赫之
聲所去有遺愛之戀有命羗覆囚山南輜軒所歷全
濟甚衆君以律有違經背禮者妨難十九篇書奏帝
下有司而刪定之官黨同妬異竟寢其議道之將廢
也歟命也臧倉其如命何調露元年秋奉使晉陽遇

疾輦歸藥禱無降冬十二月大漸九日乙卯棄背於
縣解春秋五十有二光珪說不天擦角在夜明年春
奉輅薨歿於河東賴夫人撫養孤藐躬如訓授男集
文雅女工組繡姻不失親官復其舊景龍元年秋封
長樂縣太君夫人故藍田丞威之女也享年七十有
二是歲十一月戊申傾背於東都偕里第於戲哀哉
靡瞻靡依何怙何恃二年七月己酉克塋我先公夫
人合祔焉從周制也初議塋小子憂度景於萬安山
南孤推東峯之下時淮南弘公相地曰是山爲華蓋
崗爲蟠龍龍者大人之德孤者王侯之稱卜塋協兆

何善如之乃定墳塋初宅茲所小子銜恤誌之幽譏係曰
欽若古訓時惟皇考俞和三光希聖二老清有世業
儉為身寶繡綸典憲思緝王道佐彼四邑人用不擾
生我曷後棄我曷早閔余髫髻遭家不造鳴鳩在桑
其子在棘母氏聖善示我顯命服天朝封邑舊國榮
未卒歲哀喪已匝域泣血思親昊天罔極孤之華蓋
土龍蟠連岡四繞帶林巒朝日吐耀遠峯攢微風夕
發過蕙蘭石室固護泉火寒衆靈幽謁奉神歡壽官
深靜永閑安

唐故涼州長史元君石柱銘

并序

公諱仁惠字某河南洛陽人也昔帝軒命子爰宅幽
都天神降祚遂荒北嶽其後日月運行雲雷經始壇
場鄴洛據天地之圖帶礪山河建王侯之國公魏昭
皇帝之十世孫中書令濮陽王順之曾孫也大父雄
魏濮陽王改封武陵之郡宇文朝降為王昆吾伯嗣
越在濮陽之墟瑯琊王子別封武陵之郡宇文朝降
為武陵公太府卿秦州總管微子去國不替舊章薛
侯來朝於焉降等父胄隋濠豫二州刺史右衛大軍
襲封武陵公翼亮隋室弘濟王基有佐命之元勲承
異朝之世祿文武藉甚貽晏深長公受金行之正性

承冠世之隆烈幼見岐嶷夙聞聲器靈臺雲秀編墨
之宰無施雅韻天成金石之師何力屬隋綱始素神
棄不歆卿族衣冠日失其序獨寤寐宿永懷盤澗之
人藏器待時未射高墉之隼唐高祖龍飛天宇鶴
巖林授公右千牛錄鬻閑之恩舊也高皇邑予旣與
盧綰同衣世祖學徒則有嚴陵共宿父之以公事免
為雋州法曹又歷循州河源滑州靈昌二縣令克已
為政蠻貊化忠信之言直言與人仕已無喜愠之色
永徽在曆石真構難群究旣翦江界蕭條帝念疲氓
疇茲俾乂乃授睦州雉山縣令乘駟而往下車作期

江通海盜革面來威然後間網鳩人峻策羈吏閑田
盡闢鰥寡委犬彘之餘絕澗無遊豪猾屏蚕漁之氣
我有禮樂達於山川鬼神物應休真孚於鳥獸草木
朝廷異之拜朝散大夫行隆州閬中令至改授雍州
渭南令觀人設教異邑同風遷隆州司馬尋加朝散
大夫守涼州都督府長史分乘翻人康頌作化澄巴
濮無侵橘柚之園教溢河湟不飲蒲萄之酒離歌就
是為夢臨辰命躋修途榮慙厚德總章二年終於官
舍春秋七十有三夫人安定梁氏文伯之妻君子以
為知禮孟軻之母良史稱其能賢齊德茂於昭塗合

祔其於幽遂有子懷貞斧藻評禮佩踐義方承家有
馥芝蘭如也歷官右司員外郎太子舍人而罹事徙
居復歸舊土履霜露於三紀無改素冠之行違桑梓
於十載還守青門之田勤孝在乎追遠豐感恩乎備
物武陵公之塋域今順陵栢城之內也山園有禁奉
瞻靡及粵以聖曆二年歲次月朔別卜宅於咸陽縣
肺浮原合塋焉公孝友純深風標峻起門無離客家
有嚴君而佐郡為邦弘風邁德執法不撓去邪勿疑
仲由之政事叔向之遺直豈稱論之典有闕統期之
容將墜仰惟代姻恭承哀記郭有道之故事無媿蔡

邕趙文子之將遊永懷隋會寓詞楹石式題賢龔其
銘曰

大哉乾元

我族資始

有國伊魏

曰天之子

皇義姓夙

帝姬氏水

初業垂統

鬱乎舊史

崇德象賢

允也重軌

身涵王性

潤結琤源

武公之子

平王之孫

川流長直

光氣能渾

孝栢深顙

義重荆藩

白珪比節

黃金敵言

行實剛簡

遊無諂顙

學妙神教

書能鬼笑

避彼屯運

盤桓空谷

四海有玉

一旦明目

佩此芳草

遷于喬木

亦既從政

淑問克宣

秉心如水

臨事如弦

歷幸四邑

高芬屬天

元僚兩郡

汪化流泉

江河秦蜀

嘉聲在焉

三光西沒

百川東度

天道運迴

人隨代故

倏忽三紀

悲元千露

帝堊橋山

傍壙祖墓

瓦斷舊域

地開新路

路即咸陽

阡惟京北

坤氣雲蓋

長崗龍抱

竊拚銅人

瑩留石鳥

塵歆徑滅

山飛海少

篆刻揚石

亭亭華表

唐故左庶子贈幽州都督元府君墓誌銘

維開元十年正月己未庶子武陵公河南元公薨於
東京留守之內館公諱景懷字其魏武陵王雄之曾

孫右衛大將軍冑之孫贈鄆州刺史仁惠之季子
青天啓水行君臨寰海雄圖長發本枝碩茂濟美象
賢餘慶不隕公受茲介祉誕膺淑露幼有純至之節
長立公直之操學綜群藝詞壇精微夫其結言以信
導物以德清儉足以軌俗真厲足以矯邪故美暢於
中名揚於外弱冠以國子進士高第補相府典籤藩
邸擇賢妙盡時選尋以內憂去識重補相府叅軍及
明兩昇儲作貞萬國以宮臣除太子通事舍人天授
中以親累除名向逾一紀後除直羅溫縣二令雖大
位未享通材必久初自太府主簿累入副卿河南掾